

Alfredo Soldati Flus e turbolencis

Ricognossiment internazionâl impuartant par Alfredo Soldati, professôr di fluidodinamiche de Universitât di Udin, che al è stât onorât de American Physical Society cul titul onorific di "Fellow" in ocasion de convigne anuâl che si è fate a Pittsburgh in Pennsylvania. La "Fellowship", tant bramade-da fisics di dut il mont, e je concedude de American Physical Society a tant pôcs fra i siei membrs plui titulâts e e je stade assegnade a Soldati par "il so contribût ae comprension dal rûl de turbolence inte fluidodinamiche multifase". Maturitât classiche a Livorno, Lauree in Ingegnerie Nucleâr e Dotorât in Ingegnerie chimiche te

Universitât di Pise, dal 1993 Soldati al è te Universitât dal Friûl, dal imprim ricercjadôr, dopo professôr associât e dal 2007 professôr ordenari di fluidodinamiche. A Udin, Soldati al à implantât e fat cressi il laboratori di Fluidodinamiche computazionâl che al dirêç. Intal 2007 al è stât il prin talian a vê il "Knapp Award" de American Society of Mechanical Engineers.